



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka
o davanju saglasnosti gradonačelnici Grada Sarajeva za
davanje na poklon namještaja Gradskim muzejima, Historijskom muzeju BiH i Muzeju
književnosti i pozorišne umjetnosti BiH, nabavljenog u okviru projekta „IVA”,
finansiranog iz UNESCO fonda
(Prijedlog)

Predlagač: Gradonačelnica
Obrađivač: Gradska služba za održivi razvoj

Sarajevo, oktobar 2024. godine

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) tačka k) i tačka v) Statuta Grada Sarajeva („Službene novine Kantona Sarajevo“, broj: 7/23), Gradsko vijeće Grada Sarajeva na __. sjednici održanoj dana __. __. 2024. godine, donijelo je:

(Prijedlog)

**Odluku
o davanju saglasnosti gradonačelnici Grada Sarajeva za
davanje na poklon namještaja Gradskim muzejima, Historijskom muzeju BiH i Muzeju
književnosti i pozorišne umjetnosti BiH, nabavljenog u okviru projekta „IVA“,
finansiranog iz UNESCO fonda**

Član 1.

Ovom odlukom daje se saglasnost gradonačelnici Grada Sarajeva za davanje na poklon namještaja Gradskim muzejima, Historijskom muzeju BiH i Muzeju književnosti i pozorišne umjetnosti BiH, nabavljenog u okviru projekta „IVA“, finansiranog iz UNESCO fonda.

Član 2.

Namještaj iz člana 1. ove odluke koji se poklanja Muzeju književnosti i pozorišne umjetnosti BiH čini kubus (izložbena vitrina metal-staklo), čelična plastificirana ploča, radni sto, vitrina i pult kombinacija iveral-staklo, u vrijednosti od 5.960,70 KM.

Član 3.

Namještaj iz člana 1. ove odluke koji se poklanja Historijskom muzeju BiH čini info pult sa ormarićem za suvenirnicu, modularni ormarić TIP 5, modularni ormarić TIP 4 i modularni ormarić TIP 2, u vrijednosti od 5.812,56 KM.

Član 4.

Namještaj iz člana 1. ove odluke koji se poklanja Gradskim muzejima čini police za biblioteku, kubus-izložbena vitrina-kombinacija staklo-MDF, kubus-izložbena vitrina-kombinacija staklo-MDF, u vrijednosti od 7.488,00 KM.

Član 5.

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVALJUĆI GRADSKOG VIJEĆA

Jasmin Ademović

**Broj:
Sarajevo, __. __. 2024. godine**

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 31. stav (1) tačka k) i tačka v) Statuta Grada Sarajeva, kojima je propisano da Gradsko vijeće upravlja i raspolaže imovinom Grada Sarajeva, te donosi odluke o davanju saglasnosti.

RAZLOZI DONOŠENJA

Projekat „IVA – Inkluzivnost i vidljivost za održivi kulturni razvoj” je finansiran iz fondova tematskog prozora „Zaštita i osnaživanje kulturne baštine za održivi razvoj“ – UNESCO, u okviru poziva za prijedloge „Kultura i kreativnost za zapadni Balkan“ (CC4WBs). Ovo je prekogranični projekat sa Crnom Gorom, a partneri na projektu su Muzej književnosti i pozorišne umjetnosti BiH, Historijski muzej BiH, JU Gradski muzeji Sarajevo, Grad Podgorica, kao i Muzeji i galerije Podgorice.

Projekat predviđa institucionalno umrežavanje za inkluziju kulturno-historijskog naslijeđa Bosne i Hercegovine i Crne Gore, aktivnosti kroz edukaciju i opremanje pomenutih muzeja, te dizajniranje inovativnih muzejskih suvenira i opremanje prostora za prodaju istih. Ukupna vrijednost projekta je 94,854.00 EUR/185.518,30 KM, od čega je za aktivnosti Grada Sarajeva kao vodećeg partnera planirano blizu 110.000 KM. Trajanje projekta je predviđeno do kraja oktobra 2024. godine.

Jedna od aktivnosti na projektu je i nabavka namještaja za potrebe Muzeja književnosti i pozorišne umjetnosti BiH, Historijskog muzeja BiH te JU Gradskih muzeja Sarajevo u ukupnom iznosu od 19.261,26 KM. Namještaj koji se poklanja Muzeju književnosti i pozorišne umjetnosti BiH, u vrijednosti od 5.960,70 KM, čini:

- kubus (izložbena vitrina metal-staklo);
- čelična plastificirana ploča;
- radni sto;
- vitrina (kombinacija iveral-staklo).

Namještaj koji se poklanja Historijskom muzeju BiH, u vrijednosti od 5.812,56 KM, čini:

- info pult sa ormarićem za suvenirnicu;
- modularni ormarić TIP 5;
- modularni ormarić TIP 4;
- modularni ormarić TIP 2.

Namještaj koji se poklanja Gradskim muzejima, u vrijednosti od 7.488,00 KM, čini:

- police za biblioteku;
- kubus-izložbena vitrina;
- kombinacija staklo-MDF;
- kubus-izložbena vitrina;
- kombinacija staklo-MDF.

Kako se radi o sredstvima koja je nabavio Grad Sarajevo, potrebna je saglasnost Gradskog vijeća Grada Sarajeva za poklanjanje namještaja pomenutim muzejima, a u skladu sa projektnom aplikacijom i dinamikom projekta.

FINANSIJSKA SREDSTVA

Za realizaciju ove odluke nisu potrebna finansijska sredstva.